



16.06.16

Broj: 05-16-4-5172-6/16
Sarajevo, 16. 06. 2016. godine

Na osnovu člana 70. i člana 89. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14), ministar pravde Bosne i Hercegovine, donosi

ODLUKU
o dodjeli ugovora u postupku javne nabavke

I

Dodjeljuje se ugovor ponuđaču Middle point electronics d.o.o., Ulica Džemala Bijedića broj 35, 71000 Sarajevo, u postupku javne nabavke usluga servisiranja kontradiverzione opreme.

II

Ponuđač iz točke I ove odluke dostavio je najnižu cijenu u skladu sa članom 64. stava (1) tačka b) Zakona o javnim nabavkama Bosne i Hercegovine.

O b r a z l o ž e n j e

Ministarstvo pravde Bosne i Hercegovine je 24.05.2016.godine, pokrenulo konkurentski postupak nabavke usluga servisiranja kontradiverzione opreme, izvršilo objavu na portalu javnih nabavki Agencije za javne nabavke Bosne i Hercegovine www.ejn.gov.ba 27.05.2016.godine i uputilo pozive sljedećim ponuđačima:

- Middle point electronics d.o.o., Ulica Džemala Bijedića broj 35, 71000 Sarajevo;
- Shot d.o.o., Ulica Adolfa Goldbergera broj 9, 72000 Zenica;
- Filling d.o.o., Ulica Sagrdžije broj 16, 71000 Sarajevo.

Komisija za javne nabavke (u daljnjem tekstu Komisija) je konstatirala da je u propisanom roku za dostavljanje ponuda pristigle jedna ponuda i to od ponuđača Middle point electronics d.o.o., Sarajevo.

Nakon analize i procjene dokumentacije priložene uz ponude, Komisija je utvrdila da u dostavljenoj dokumentaciji nedostaje validna licenca za obavljanje djelatnosti tehničkog servisa za zaštitu od jonizirajućeg zračenja. Iz dostavljene dokumentacije bilo je vidljivo da je Middle point electronics d.o.o., Sarajevo, prije isteka ranije licence odnosno 13.01.2016.godine, podnio Državnoj regulatornoj agenciji za radijacijsku i nuklearnu sigurnost, zahtjev za autorizaciju djelatnosti tehničkog servisa za zaštitu od jonizirajućeg zračenja za instaliranje, servisiranje i demontažu uređaja koji proizvode jonizirajuće zračenje za kontrolu prtljaga i robe, kao i zahtjev za autorizaciju djelatnosti tehničkog servisa za zaštitu od jonizirajućeg zračenja za kontrolu radijacijske sigurnosti, a da Državna regulatorna agencija za radijacijsku i nuklearnu sigurnost predmetni zahtjev nije rješila na dan 03.06.2016. godine, odnosno na dan izdavanja odgovora podnosiocu zahtjeva povodom odlučivanja o izdavanju predmetne licence.


S obzirom na tu činjenicu, Ministarstvo pravde Bosne i Hercegovine je aktom od 07.06.2016.godine, od Državne regulatorne agencije za radijacijsku i nuklearnu sigurnost zatražilo hitnu informaciju u kojoj je fazi postupak izdavanja licence ponuđaču Middle point electronics d.o.o., Sarajevo i da li će i kada predmetna licenca biti izdana. Državna regulatorna agencija za radijacijsku i nuklearnu sigurnost je aktom od 10.06.2016.godine, dostavila Ministarstvu pravde Bosne i Hercegovine rješenje o izdavanju licence za djelatnost tehničkog servisa za zaštitu od jonizirajućeg zračenja za kontrolu radijacijske sigurnosti kojim se Middle point electronics d.o.o., Ulica Džemala Bijedića broj 35, 71000 Sarajevo odobrava obavljanje djelatnosti tehničkog servisa za zaštitu od jonizirajućeg zračenja.

Kako je ostala dokumentacija Middle point electronics d.o.o., Sarajevo, priložena uz ponudu za nabavku usluga servisiranja kontradiverzione opreme bila uredna, a da je ukupna cijena ponude od 17.269,20 KM (slovima: sedamnaesthiljadadvijestotinešesdesetdevet i 20/100 KM) sa uračunatim PDV-om prihvatljiva, Komisija je konstatovala da ponuda ispunjava sve formalne i tehničke uslove navedene u konkurentskom zahtjevu, te se stoga smatra prihvatljivom.

Slijedom navedenog, a budući da je pristigla samo jedna ponuda, koja je ujedno i prihvatljiva, odnosno da ispunjava formalno-pravne uslove navedene u tenderskoj dokumentaciji, Komisija je preporučila ministru pravde Bosne i Hercegovine (Zapisnik broj: 18.6-16-4-5679-1/16 od 10.06.2016.godine, u prilogu), da u predmetu nabavke usluga servisiranja kontradiverzione opreme, donese Odluku o dodjeli ugovora ponuđaču Middle point electronics d.o.o., Ulica Džemala Bijedića broj 35, 71000 Sarajevo.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od pet dana od dana kada je primio odluku, odnosno obavještenje o rezultatima.



Prilog:

- Zapisnik o ocjeni ponuda.

Dostaviti:

- Ponuđačima,
- a/a.